

全唐文

卷七百八十六之七百八十八

溫庭筠
韋 籌
盧 鄴
李 儉
李 儉
陳 會
賈 防
孫 諫卿
蔣 仲
李 顧行
段成式

2019.6



竹居攷虞

嘉慶庚子年
 所年萬民
 休養
 會候
 會
 防

新編



金鹿文

卷之五

欽定全唐文卷七百八十六目錄

溫庭筠

再生檜賦

錦鞵賦


答段柯古贈葫蘆管筆狀

答段成式書七首

謝襄州李尚書啟

謝紇干相公啟

上蔣侍郎啟二首



金史全居文
卷之八
上裴相公啟

上令狐相公啟

上崔相公啟

上首座相公啟

上宰相啟二首

爲人上裴相公啟

上鹽鐵侍郎啟

上封尚書啟

投憲丞啟

上裴舍人啟

上蕭舍人啟

上學士舍人啟二首

上杜舍人啟

上吏部韓郎中啟

上蕭舍人啟

爲前邕府段大夫上宰相啟

上崔大夫啟

謗國子監

國子監

士野大夫

國子監司馬大夫士宰昧

士散舍人

士夏時釋

士抹舍人

士學士舍人

士散舍人

士裴舍人

欽定全唐文卷七百八十六

溫庭筠

庭筠本名岐字飛卿太原人數舉進士不第徐商鎮襄陽署爲巡官歷方城隋縣尉卒

再生檜賦

檜有再生之瑞天符聖運之興挺松身而鱗皴迴出布栢業而杳藹相承隨道旣窮則沒身於亂土唐朝將建故發德於休徵原夫日將興而幽暗皆明君應期而纖微必表生於枯朽證受命於敗德之時長則繁華示寶祚於延慶

之兆想夫拔陳根而已茂聳修幹以方妍凌朝而還宜宿
露向晚而尤稱新煙以狀而方生萑之枯楊若此以理而
喻易葉之僵柳昭然效殊样以示後願眾瑞而居先嘉其
擢本旁榮抽條迴秀厯朱夏而彌盛冒霜雪而不朽應昌
業於龍潛之際豈曰無心彰聖德於虎視之前孰云虛受
徒觀夫載光紫府效祉皇家竦亭亭之柯葉擢鬱鬱之輝
華可以播之於萬古可以流之於四遐是知厯數歸唐禎
祥啟聖何厚地之朽木報上天之明命殘陽未落宮庭之
林藪忽生明月初懸玉砌之桂華復盛矧夫貞節獨異高

標自持散芳氣而微風乍動入重陰而宿鳥猶疑蓋天所
贊也亦神以化之客有生遇明時身蒙至德窮勝負於朕
兆慕休祥於邦國敢獻賦以揚榮遂布之於翰墨

錦鞵賦

闌裏花春雲邊月新耀粲織女之束足嫵婉嫦娥之結璘
碧纈緗鈎鸞尾鳳頭褰稱雅舞履號遠遊若乃金蓮東昏
之潘妃寶屐臨川之江姬匍匐非壽陵之步妖蠱實苧蘿
之施羅韞紅蕖之豔豐跗皜錦之奇凌波微步瞥陳王旣
蹀躞而容與花塵香跡逢石氏倏窈窕而呈姿擎箱回津

驚蕭郎之始見李文明練恨漢后之未持重爲系曰瑤池
仙子董雙成夜明簾額懸曲瓊將上雲而垂手顧轉盼而
遺情願綢繆於芳趾附周旋於綺楹莫悲更衣牀前棄側
聽東晞珮玉聲

答段柯古贈葫蘆管筆狀

庭筠累日來洛水寒疝荊州夜嗽筋骸莫攝邪蠱相攻蝸
腕傷明對蘭缸而不寢牛腸治嗽嗟藥錄而難求前者伏
蒙雅賜葫蘆筆管一莖久欲含詞聊申拜貺而上池未效
下筆無聊慚怩沈吟幽懷未敘然則產於何地得自誰人

而能絜以裁筠輕同舉羽豈伊著草空操九寸之長何必
靈芝獨號三株之秀但曾藏戢冊省永貯仙居却笑遺民
遷茲佳種惟應仲履忽壓煩聲豈常見已墮遺犀仍抽直
幹青松所築漆竹藏珍足使玳瑁慚華琉璃掩耀一枚爲
貴豈異陸生三寸見珍遂兼揚子謹當刊於巖竹寘以郊
翰隨纖管而爲牀擬凌雲而作屋所恨書裙寡媚釘帳無
功實覩凡姿空塵異貺庭筠狀

答段成式書七首

庭筠白節日僅幹至奉披榮誨蒙賚易州墨一挺竹山奇

製上蔡輕煙色奪紫帷香含漆簡雖復三臺故物貴重相
傳五兩新膠乾輕入用猶恐於潛曠遠建業厓羸韋曜名
方卽求雞木傅元佳致別染龜銘恩加於蘭省郎官禮備
於松檽介婦汲妻衡弟所未窺觀廣記漢儀何嘗著列矧
又元洲闕上苑青瑣西垣讐字猶新疑籤尚整帳中女史
猶襲青香架上仙人常持縹袂得於華近辱在庸虛豈知
夜鶴頻驚殊慚志業秋虵屢綰不稱精研惟憂瘁物虛投
蠟盤空設晉陵雖壞正握銅兵王詔徒深誰磨石硯捧受
榮荷不任下情庭筠再拜

昨夜安東聽倡牖北追涼桺枕才欹蘭缸未艾縹繩初解
紫簡仍傳麗事珍繁摘華益贍雖則竟山充貢握槩堪書
五丸二兩之精英三輔九江之清潤葛龔受賜稱下士難
求王粲著銘想遐風易遠俱苞闕盡入闕遺逸皆存纖微
悉舉鸚鵡觀鵬運豈識逍遙鯢入鮒居應嗟坎窞願承謦欬
以啟愚蒙庭筠狀

伏蒙又抒冲襟詳徵故事蒼然之氣仰則彌高眇彼之泉
汲而增廣方且驚神褫魄寧惟衿甲投戈素洛呈祥翠螭
垂貺龜字著象鳥英含華至於漢省五丸武都三善仲宣

佳藻旣詠浮光張永研工常稱點漆逸少每停質滑長康
常務色輕闕乃韋書知爲宋畫荀濟提兵之檄磨盾而成
息躬覆族之言削門而顯敢恃蛙井猶望鯢池不任慚伏
宗仰之至庭筠狀

竊以童山不秀非鄒衍可吹智井無泉豈耿恭不拜墨尤
之事謂之獲麟筆聖之言翻同倚馬靜思神運不測冥搜
亦有自相里而分豈公輸所削流輝精絹假潤清泉銘著
李尤書投蘇竟字憂素敗不長飛揚闕研蛙胎而合美配
馬滴以成章更率荒蕪益慚疎畧庭筠狀

驛書方來言泉更湧高同泰時富類教倉怯蒙叟之大匪

駭王郎之小賊尤有

闕

中巧製廟裏奇香徵上黨之松心

識長安之石炭馬黔靡用龜食難知窺虞器以成奢

闕

梁

刑而嚴罪便當北面不獨棲毫庭筠狀

庭筠閱市無功持撾寡效

闕

蝸眈傷明庸敢撫翼鵠鵬追

蹤驥驟每承函素若涉滄溟亦有叢幪尚存箋餘可記至

於縑從墨制既禦秦兵綏匪舊儀仍傳漢制張池造寫蔡

碣舍舒荷新淦之恩空沾子野發冶城之沼獨避元規窘

類頡羹辭同格飭其爲愧忤豈可勝言庭筠狀

昨日浴籤時光風亭小宴三鼓方歸臨出捧緘在醒忘答
亦以蜺蛭久罄川瀆皆隕豈知元化之盃莫能窮竭季倫
之寶益更扶疎雖有瀚海疊石須陽水號煙城倥詠剩出
青松惡道遺蹤空留白石扇裏止餘烏牓屏間正作蒼蠅
豈敢猶彎楚野之弓尚索神亭之戟謹當焚筆不復操觚
矣庭筠狀

謝襄州李尚書啟

某啟某櫟社凡材蕪鄉散質殊無績效堪奉恩明曷當紫
極牽裾丹墀載筆顧循虛淺實過津涯豈知畫舸方遊俄

昇於桂苑蘭局未染已捧於芝泥此皆寵自昇堂榮因著
錄勵鴻毛之眇質託羊角之高風日用無窮常仰生成之
德時來有自寧知進取之規競惕彷徨莫知所喻未由陳
謝攀戀空深

謝紇于相公啟

某啟某材謝梗柟文非綺組閒關千里僅爲蠻國參軍荏
苒百齡甘作荊州從事寧思羽翼可勵風雲豈知持彼庸
疎栖於宥密迴顧而漸離緇垢冥昇而欲近煙霄榮非始
圖事過初願此皆揚芳甄藻發跡門墻邱門用賦之年相